



樂城集卷第三

詩七十五首

北京送孫曼叔屯田權三司開圻司

人生不願才才士困奔走君爲大農屬求暇更能否
自我遊魏博相識恨未久誰言但傾蓋信有勝白首
清晨坐風觀落日說涼牖棊精動如律弓健不論斗
旁觀我不能晤語君見受秋風起沙漠淒雨濕征袖
送行欲汲汲富貴恐君後將去聊遲遲已遠悲朋友

和強至太博小飲

誰能飲酒如傾水醉倒坐中扶不起形骸外物已如

續坡集 卷三
遺升斗任君無復避霜梨冰脆寒侵齒未盡一杯先
已醉強將文字笑紅裙冷淡爲歡何足貴

和強君瓦亭

君爲魏博三年客日有江湖萬里心
斲得野亭留馬足強循踈柳步堤陰
無人攜手共吳語得意推頭時
越吟何日東郊過微雨並騎鞍馬去同尋

中秋夜八絕

得月明星稀
鵲南飛顯

長空開積雨清夜流明月看盡上樓人
油然就西沒誰遣常時月偏從此夜明
暗添珠百倍潛感兎多生欲見初容燭
將升尚有星漸高圍漸小雲外轉亭亭

明入庭陰白寒侵酒氣微夜深看更好
樓上漸人稀浮光看不定重露試還無
影翻狂舞客明誤已棲鳥巧轉上人衣
徐行度樓角河漢冷無雲冥冥獨飛鵲
猿狖號枯木魚龍泣夜潭行人已天北
思婦隔江南看父酒扶立行貪遂失歸
誰能終不睡爛醉羽觴飛

次韻王君貺尚書會六同年

有美佳賓賢主人布衣曾共脫京塵
飲來未覺歲華晚醉後能令秋氣春
發譽早同初宦日收功終籍老成身
它年此會應圖畫傳入誰家屏幃新

王君貺生日

純陰十月晚勁氣肅羣驕惟有喬松在長看積雪消
生賢稟真性特立冠當朝早歲初成賦羣雄已失標
治才精破竹廷論壯生颺博士皆推賈宣皇重試蕭
周旋窮政體出入解心焦九列高樽冠三台豈足超
論功歸穎霸舉相待虞姚驥騁經新卧弓強發矢昭
白年時節在四海衆心翹當見飛中使齋金賜此朝
一府生日
例照金白

次韻姚孝孫判官見還岐梁唱和詩集

伯氏文章豈敢知岐梁偶有往還詩自憐兄力能兼
勇誰肯填終不聽策西虢春游池百頃南溪秋入竹

千枝恨君曾是關中吏屬和追陪失此時

次韻王臨太博馬上

冬晚霜露重城選鞍馬勞徒知事奔走曾未補毫毛
水旱嗟嘖蹙瘡痍費抑搔莫歸何暇食堆按簿書高

次韻王石北都偶成三首

河轉金隄近天高魏闕新千夫奉儒將百獸伏麒麟
校獵沙場莫談兵玉帳春關南知不遠誰試問番陔
天寶亂已定河堧兵更多故城埋白骨遺俗喜長戈
卧獸常思肉奔鯨不受羅縱橫竟安在誰見冢差峨
禁籞封金殿清河貫石門時平餘古木兵散有空屯

形勝山圍闊，蕃宣海內尊。川原不論頃，雲夢可勝吞。
次韻沈立少卿白鹿

白鹿何年養，驚猜未肯馴。軒除非本性，或食強依人。
烈影冰浮水，飛毛雪洒塵。獨游應已倦，忽見乍凝神。
野色明幽步，煙無薦卽身。異姿人共愛，清意爾誰親。
日暖山苗熟，風微澗草春。何緣解韁繫，奔放任天真。
送陳安期知官出城馬上

城中二月不知春，唯有東風滿面塵。歸意已隨行客
去，流年驚見柳條新。簿書填委休何日，學問榛蕪愧
古人。一頃稻田三畝竹，故園何負不收身。

登上水閣

淇水泔泔入禁語，城樓中斷過深清。空郊南數牛羊
下，落日迴瞻觀闕明。歲月逼人行老大，江湖發興感
平生。畫船早晚籠新屋，慰意來看水面平。

寒食贈遊歷沙諸君

城南壓沙古河淤，沙上種梨千萬株。隆冬十月我獨
往，風吹葉盡枝條疎。老僧屈指數春候，却後百日花
常蘇。微風細雨膏潤足，枝頭萬萬排明珠。齊開競發
不知數，照耀冰雪明村墟。此時官閑得遊賞，長堤平
穩宜驂駒。守門古木芽葉動，倉庾布穀相和呼。及時

行樂不可緩歲長春短花須臾僧言我意兩相值欲
往屢已脂吾車今朝寒食燈火斲薄雲蔽日風沙除
此花久已待我至况有朋友相携扶來邀反覆不能
往豈獨負君花已辜諸君高邁足才思佐酒况得與
玉奴坐中未醉慎無起倒載當山公使如

明日厚安卿強幾聖復召飲醉次前韻

芳樽酌水清無淤梨園著雪迷根株鄴宮士女喜行
樂坐上酌客誰親踈倦遊不知歲月過痛飲漸覺筋
骸蘇風吹落片亂鵝毳雨結細實駢明珠雲屯冰結
動論頃誰信城郭涵村墟坐觀明媚低照席行看繁

鬧橫遮駒我貧不辨供酒炙側耳日聽交朋呼無端
人事巧拘束曾不見置閑湏吏長鯨渴水求入海老
驥伏櫪思就車清明未過春未老寒食豈必節與除
二君爲我重置酒席上醉倒交相扶觀娛安用苦酬
酢叫嘯不畏相罪辜昏然已覺萬物小下視吏役真
婢奴請君數具牛酒費此外百事何能如

次韻柳子玉郎中見寄

新年始是識君初顧我塵埃正滿裾談辨未容朝夕
聽情親空愧往還書久聞筆陣無前敵更擬詩壇託
後車待得入城應少暇相從有約定何如

秀州僧本瑩淨照堂

有僧訪我携詩卷自說初成淨照堂求得篇章書壁
素不論塵土漬衣黃故山別後成新歲歸夢春來遶
舊房看取盈編定何益客來無語但循墻

京師送王願斂丞

憶遊長安城昔飲母卿宅身雖坐上賓心是道路客
笑言安能久車馬就奔迫城南南山近勝絕聞自昔
徘徊竟莫往指點煩鞭策道傍古龍池深透河渭澤
山行吾不能愧此纔咫尺壯哉誰開鑿千頃如一席
參差山麓近滉蕩波光射右時在池上俗事厭紛劇

望門不敢叩恐笑塵土迹自從旅京城所向愈無適
君來曾未幾已復向南國扁舟出淮汴唯見江海碧
野人處城市長願有羽翮脫身相從遊未果聊自責

石蒼舒醉墨堂

石君得書法弄筆歲月久經營妙在心舒卷功隨手
惟茲逸羣氣扶駕須斗酒作堂名醉墨揮灑動牆牖
安得濁酒池淋漓看濡首取但繼張君莫顧顛名醜

遊淨因院寄璉禪師

歲月潛消日裏冰依然來見佛堂燈此身已自非前
我問法何妨似舊僧灑面飛泉時點點壓池蒼石尚

層層遙知近愛金山好江水煎茶日幾升

送柳子玉

柳侯白首郎風格終近古舊遊日零落新輩誰與伍
人情逐時好變化無定主試看近時人相教蹈規矩
行身劇孔孟稱道皆禹舜但求免譏評豈顧愁肺腑
坐令不羈士舉足遭網罟緬懷我生初遺俗尚目睹
中庸雖已亡比近則猶愈老成慎趨好後生守淳魯
豈效相謾欺銜牛沽馬脯過惡酒色間可罪非可惡
譬如稽與阮心迹豈深蠹京師逢柳侯往事能歷數
歡息子美賢相與實舊故至今存篇章醉墨龍蛇舞

斯人今苟在亦恐終因虜惜哉時論隘安置失處所
一麾寄河壩垂老幸有土世俗安足論且盡杯中醕

送蘇公佐修撰知梓州

乘軺舊西蜀出鎮復東川父老知遺愛壺漿定滿前
江山昔年路旄節異邦權望重朝中舊疆分劍外天
歲登無猛政蠻服罷防邊去國身雖樂憂時論獨堅
孤誠抱松直彙進比茅連我亦相從逝踈狂且自全

送任師中通判黃州

一別都門今五年劇談精壯故依然厭居巴蜀千山
底決住荆河十頃田老去功名無意取身閑詩筆更

能專黃州無事聊須飲世俗方今自足賢

南窓

京師三日雪雪盡泥方深閉門謝還往不聞車馬音
西齋書帙亂南窓初日升展轉守床榻欲起復不能
開戶失瓊玉滿堦松竹陰客從遠方來疑我何苦心
踈拙自當爾有酒聊共斟

次韻楊褒直講攬鏡

髮髮年來日向衰相寬不用強裁詩壯心付與東流
去霜蟹何妨左手持苑發黃鸝巧言語池開楊柳聞
腰肢勸君行樂還聽否即是南風苦熱時

送錢婺州純老

桃花汴水半河流已作南行第一舟倦報朝中言嘖
亂喜聞淮上檣咿叻平時答策詞無枉此去爲邦學
更優自古東陽斥賢守請君重賦沈公樓

次韻柳子玉見贈

壯心哀盡愧當年刻意爲文日幾千老去讀書聊度
歲春來多睡苦便氈夢歸似鴈長飛去才短如蚕只
自纏唯有聞詩尚思和可能時寄最高篇

次韻任遵聖見寄

故國老成誰復先壯心空記話當年灌夫失意貧無

友梅福辭官晚作仙詩句清新非世俗退居安穩卜
江天它年我亦從君隱多買黃魚煮復煎

次韻劉貢甫學士畫松石圖歌

長松大石生長具揭遊塵上嗟空羨寒翠関心失舊
交榮華過眼驚流電破繒買得古畫圖遺墨參差隨
斷線蠹枝倒掛風自舞且幹孤生看四面故山白物
遠莫致愛此隨人共流轉物生真傍竟何有遺意一
時寧復辨少年所好老成癖傍人指笑嗟矜術京城
宅舍松石希買費百金猶恐賤

送頓起及第還蔡州

詔書京鋪起沉淪歲貢仍居第一人不愧得官名暫
屈日誇對策語深淳讀書飽足終無厭從宦奔馳自
此新我去淮陽今不久鄰邦時得問音塵

初到陳州二首

謀拙身無向歸田久未成來陳爲懶計得道愧虛名
俎豆終難合詩書強欲明斯文吾已試深恐誤諸生
久愛閑居樂茲行恐遂不上官容碌碌飽食更悠悠
枕畔書成僻湖濶柳散愁踈慵愧韓子文字化潮州

柳湖感物

柳湖萬柳作雲屯種時乱挿不須根根如卧蛇身合

抱仰視不見蜩蟬喧開花三月亂飛雪過牆度水無
復還窮高極遠風力盡棄墜泥土顏色昏偶然直墮
湖中水化爲浮萍輕且繁隨波上下去無定物性不
改天使然南山老松長百尺根入石底蛟龍蟠秋深
葉上露如雨傾流入上明珠圓乘春發生葉短短根
大如指長而堅神農嘗藥最上品氣力直壓鍾乳溫
物生稟受久已異世俗何始分愚賢嘗見野人言柳
花入水爲浮萍
松上生草也爲仙茅
乳不如一斤仙茅
附乾服之益人古方云十斤鍾

柳湖久無水悵然成詠

平湖水盡起黃埃惟有長堤萬萬栽病鶴摧頽沙上

舞遊人寂寞岸邊回秋風草木初搖落日莫
蘇自往來更識明年春絮起共看飛雪亂成堆

次韻孫戶曹朴柳湖

踈慵非敢獨違時野性顛狂不受羈猶有曲湖容笑
傲誰言與物苦參差水乾生草曾非惡鶴舞因風忽
自怡最愛柳陰遲日暖幅巾輕屨肯相隨

贈李簡夫司封

平生談笑接諸公歸老身心着苦空往事少能陪晤
語新詩時喜挹清風形骸摩結羸偏健筆札西臺晚
更工笑我壯年常苦病異時何以作衰翁

次贈李簡夫春園

秋色豈相負小園仍有花
逸欄吟落日拾徑得殘葩
菊細初藏蝶桐疎不庇鴉
遊觀須作意霜雪僅留槎

題李簡夫葆光亭

逕草侵芒屨庭花墮石臺
小庭幽事足野色向人來
坐上烏皮几牆間大瓠壘
老成無不可談笑得徘徊

次韻李簡夫因病不出

十五年來一味閑近來推病更安眠
鶴形自瘦非閑老僧定端居不計年
坐上要須長滿客杖頭何用出
携錢未嫌語笑妨清靜閑暇陪公几杖前

張安道尚書生日

出入三朝望愈尊淮陽退卧避喧煩
崇高歷遍知皆妄風俗頻遷氣獨存
世事直須勞舊德歸心那復厭
名藩赤松作伴功雖切白髮憂時義所敦
仁比高山年自倍秋逢生日喜盈門
知公知命身無禱聊爲生靈舉壽樽

送劉道原學士歸南康

大川傾流萬物俱根旋脚脫爭奔徂
沅萍斷梗誰復數長林巨石曾須更
軒昂顛倒唯恐後嗟予何獨強根株
三年一語未嘗屈擬學文舉驚當塗
心知勢力

非汝敵獨恐清議無遺餘扁舟歲晚告歸覲家膳欲
及羞蕩鱸隱居高節世所尚掛冠早歲還州閭紛紜
世事不着耳得失豈復分錙銖投身固已陷泥滓獨
立未免遭霑濡君歸左右誰高趣牛毛細數分賢愚

題滑洲畫舫齋贈李公擇學士

牕戶重重向日明船居氣味此中生汀州出沒叢花
短波浪澄虛兩岸平竄逐南來身未隱安閑感物意
猶驚前賢事迹君今似不愧當年畫舫名歐陽公南
還佐是邦
而為北齋公擇之
請從亦南來故耳

送王恪郎中知襄州

魏公德業冠當年汝守威名踈漢邊將相傳家俱未
遠子孫到處各推賢風流最喜君真似竿竹連分政
得專峴首重尋碑墮淚習池還指客橫鞭逃亡已覺
依劉表寒俊應須禮浩然當有郡人知古意欄街齊
唱接羅篇

和張安道讀杜集韻

用其韻

我公才不世晚歲道尤高與物都無著看書未覺勞
微言精老易奇韻喜莊騷杜叟詩篇在唐人喜力豪
近時無沈宋前輩茂劉曹天驥精神穩層臺結構牢
龍騰非有迹鯨轉自生濤浩蕩來何極雍容去若遨

壇高真命將羣，亂始知髦白也。空無微敵之豈少，褒
論文開錦繡，賦命委蓬蒿。初試中書日，旋聞廊時逃。
妻孥隔豺虎，關輔暗旌旄。入蜀營三徑，浮江寄一艘。
投人慙下舍，愛酒類東臯。漂泊終浮梗，迂踈濁釣鰲。
誤身空有賦，揜脛惜無袍。卷軸今何益，零丁昔未遭。
相如元並世，惠子謾臨濠。得失將誰怨，憑公付陶醪。

送張公安道南都留臺

識公歲已深，從公非一日。仰公如重雲，庇我貧賤迹。
公歸無留意，我處念平昔。少年喜文字，東行始觀國。
成都多遊士，投謁密如櫛。紛然衆人中，顧我好顏色。

猖狂感一遇，邂逅答仕籍。爾來十六年，髮髮就衰白。
謀身日已謬，處世復何益。從來學矧巨，漸老信典冊。
自知百不堪，偶未三見黜。譬如溝中斷，誰復強收拾。
高懷絕塵土，舊好等金石。岸齋幸無事，樽俎奉清適。
居然遠憂患，况復取矜式。汪洋際海深，淡泊朱弦直。
徇時非所安，歸去亦何失。道存尚可卷，功成古難必。
還尋赤松子，獨就丹砂術。恨無二頃田，伴公老蓬葦。
傳欽之學士濟源草堂

聞有高居直百金，西山南麓北山陰。園通濟水池塘
好花近洛川，顏色深人去。節旄分重鎮，客來猿鶴感。

幽冷溪溪雨過西湖漲歸興蕭然定不任在許州時

文與可學士墨君堂

虛堂竹叢間那復厭竹遠風庭響交戛月牖散凌亂
尚恐晝掩關嬋娟不長見中堂開素壁蕭颯起霜幹
隨宜賦生意落筆皆葱蒨根莖雜土石枝葉互長短
依依露下綠冉冉風中展開門視叢薄與此終何辨

故成都尹陸介夫挽詞

擁節西來未一年淒涼道路泣東轅蜀都富樂真當
惜民事艱難誰復論白馬何人勸遠日青芻盈束更
無言異時歸去逢遺老空聽咨嗟述舊思

次韻柳子玉謫官壽春舟過宛丘見寄二首

局冷曾非簿頗迷幽居渾似未官時忽聞客至驚還
喜出見泥深笑不知謀拙未能憂歲計身閑聊可飽
晨炊行舟借問何忍草淮口無潮月正虧
獻酬不用辭升斗曲直何勞問尺尋要路風波無恨
惡謫居情味最能深交從錦水初無間鄰卜共山已
有心草聖詩豪並神速數因南鴈惠佳音

次韻子瞻頴州留別二首

託身遊宦鄉終老差筮頴隱居亦何樂親愛形隨影
念兄適吳越霜降水初冷翩然事舟楫棄此室廬靜

平明知當發中夜抱虛警求懷江上宅歸計失不猛
人生狗所役有若魚墮井遠行豈易還劇飲終難醒
不如早自乞閑日庶猶求世事非所憂多憂亦誰省
放舟清淮上蕩滴洗心胃所遇日轉勝恨我不得同
江淮忽中斷陂塘何重重紫蟹三寸筐白鳧五尺童
赤鯉寒在汕紅粳滿霜風西成百物賤加飡慰貧窮
胡爲復相念未肯安南東人生免飢寒不受外物攻
不見田野人四壁編茅蓬有食輒自樂誰知富家翁

陪歐陽少師永叔燕潁州西湖

西湖草木公所種仁人實使其棠重歸來築室傍湖

東勝遊還與邦人共公年未老髮先衰對酒清歎似
昔時功成業就了無事令名付與他人知平生著書
今絕筆閉門燕居未嘗出忽來湖上尋舊遊坐令胡
水生顏色酒行樂作遊人多爭觀竊語誰能呵十年
思穎今在穎不飲耐此遊人何

歐陽公所蓄石屏

石中枯木雙扶踈粲然脉理通飢膚剖開左右兩相
屬細看不見豪髮珠老樗剝落但存骨病松樵悴空
留鬚丘陵迤邐山麓近雲煙澹對風雨餘我驚造物
巧如此刻畫瑣細供人須公家此類尚非一客至不

識空嗟吁案頭紫雲抱明月床上寒木翻飢鳥賦形
簡易神自足鄙弄筆墨嗟勤劬天工此意與人競雜
出變怪驚羣愚世間淺拙無與敵比擬懶有公新書

月石硯并及石上寒林樓鳥皆公詩所賦

次韻子瞻初出潁口見淮山

清淮此日見滄浪始覺南來道路長
櫂轉山光時隱見船知水力故軒昂
白魚受釣收寒玉紅稻堆場列
遠岡波浪連天東近海乘桴直恐漸茫茫

次韻子瞻壽州城東龍潭

東行取次閱三州擊鼓清晨復解舟
車騎紛紜追過

客歌鍾淒咽動潛蚪宦遊底處非巢燕
歸計何嫌論沐猴
賴有故人憐遠適
慙慙屢勸酒行周

和子瞻渦口遇風

長淮暮生風來自渦河口
新舟雖云固波浪亦難受
詩來話艱厄驚恐及兒婦
憶同沂荆峽終夜愁石首
餘鱗入惴惴跳沫濺窻牖
平生未省見驚顧欲狂走
爾來涉憂患漸覺成老醜
遙喜波浪中時能飲醇酒

和子瞻濠州七絕

塗山

娶婦山中不肯留
會朝山下萬諸侯
古人辛苦今誰

信只見清淮入海流

彭祖廟

長說先師似老彭共疑好學古書生不知亦解食雲
母白日登天萬事輕

山有雲母雲彭祖所採服

逍遙臺

莊子墓上祠堂也

猖狂戰國古神仙曳尾泥塗老更安厭世乘雲人不
見空墳聊復葬衣冠

觀魚臺

莊子談空惠子聽郢人斤斧埃忘形莫嗟質喪無知
者對石何妨自說經

虞姬墓

布叛增亡國已空摧殘羽翮自令窮艱難獨與虞姬
共誰使西來敵沛公

四望亭

大和中郡守劉嗣之立李紳為之記今亭廢矣

唐史不聞劉嗣之空傳短李舊歌詩高亭毀盡唯存
記猶有區區父老知

浮山洞

洞在淮上夏潦不能及而冬不涸高故人疑其浮也

洞府元依水面開秋潮每到洞門回幽人燕坐門前
石長看長淮船去來

和子瞻泗州僧伽塔

清淮濁汴爭強雄龜山下闕支祁宮高秋水來無遠
 汎蕩滅洲渚乘城墉千艘銜尾誰復惜萬人兩泣哀
 將窮城中古塔高百尺下有蛻骨黃金容蛟龍百怪
 不敢近迴風倒浪歸無蹤越商胡賈豈知道脫身獻
 寶酬元功至人已立萬物表劫火僅置毛孔中區區
 淮汴亦何有一挹可注滄溟東胡為尚與水族較時
 出變慳驚愚聾於呼此意不可詰仰觀飛拱凌晴空

次韻子瞻發洪澤遇大風却還宿

昨夜宿鴻澤舟來遂如歸却行雖云拙乘險諒亦非
 誰言淮陰近阻此駭浪飛長風徑千里蛟蜃相因依

眇然恃一葉此勢安可違冒涉彼何人勇決生慮微
 欲速有不達魚服豈足肥風帆尚可轉野廟誰能祈
 但當擁衾睡慎閉牕與扉夜聞聲尚惡起視聊披衣

次韻子瞻記十月十六日所見

君不見天高后土黃變化出入唯陰陽旋凝細霧作
 飛電復遣震雷追日光可憐萬物甚微細坐聽百變
 隨顛僵深根固蒂無計遯倏來忽返安能防平生未
 見實驚耳稍遠不知如隔牆君看歌舞醉華屋下有
 纍繫排兩廊眼前苦樂尚懸絕空中造化原有亡我
 君宛丘厭凝沍雪翻海水填陂塘但知膏澤利牟麥

樂城集卷第三
恣食麩餌真嘉祥山陽所記亦何事有酒胡不盡一觴

樂城集卷第三

樂城集卷第四
詩七十四首

次韻子瞻廣陵會三同舍各以其字為韻
劉貢甫

貢甫少多才交遊一何衆談詞坐傾倒玉塵日揮弄
逡巡不爲虐巧捷有微中羣情忌超邁微過出嘲諷
南遷時已久未見肯力貢舌在終自竒髀滿安足痛
人生百年內僅比一朝夢駸駸就消涸斗水傾漏甕
江淮未可嫌遲晚聊自送試觀終日閑何似兩耳閑
孫巨源

續地集 卷四
巨源學從橫世事夙討論著書十萬字辯如白波翻
諫垣適多事憂心生病根立談信無補閉口出國門
棄置卧江海閔哩寧復言朝行共長歎逐客繼二孫
謂莘老 南方固鄉黨謫宦侶鶴猿風俗未寧靜朋黨
巨源 爭排根引去良自得獨清在澄源往者未可招冠蓋
方駿奔

劉莘老

莘老奮徒步首與觀國賓儼然自約束被服黻與紳
黽勉丞相府接迹輿臺臣顧嫌任安躁未忍袞坐茵
推置冠獬豸謂言我比鄰三晉固多士骯髒存斯人

竄責不敢辭狂言見天真南方異風俗強食魚尾莘
應同賈太傅抱屈耻自陳猶有痛哭書受釐定何辰

和子瞻金山

長江欲盡闊無邊金山當中唯一石潮平風靜日浮
海縹緲樓臺轉金碧瓜洲初見石頭城城下波濤與
海平中流轉柁疑無岸泊舟未定僧先迎山中岑寂
恐未足復將江水遶山麓四無鄰家羣動息鍾聲鏗
鐺答山谷鳥鳶力薄墮中路惟有胡鷹石上宿誰知
江海多行舟遊人上下奪巖幽老僧心定身不定送
往迎來何時竟朝遊未厭夜未歸愛山如此如公稀

蘇東坡集 卷四 二
不待遊人盡歸去恐公未識山中趣

和子瞻焦山

金山遊遍入焦山舟輕帆急湏臾間涉江已遠風浪
闊遊人到此皆爭還山頭冉冉萬竿竹樓閣不見門
長関金山共此一江水只有勝絕無此閑野僧終日
飽一節與世相視如髦蠻門無舟楫斷還往說法教
化龜鼉頑偶然客至話鄉國西望落日低銅鑲岷峨
正在日入處想象積雪堆青髮稻田一頃良自給仕
宦不返知誰扳久安祿廩農事廢強弓一弛無由彎
行逢佳處輒歎息想見茅屋藏榛菅我知此地便堪

隱稻苗旆旆魚斑斑

焦山長老蜀僧也

次韻子瞻遊甘露寺

去國日已遠涉江歲將闌東南富山水跬步晉清歡
遷延廢行邁忽忘身在官清晨陟耳露乘高棄征鞍
超然脫闐闐穿雲撫朱欄下視萬物微惟覺滄海寬
潮來聲洶洶望極空漫漫一一渡海船舶舟移檣竿
水怪時出沒羣簪插猥原幽陰自生火青熒復誰錯
石頭古天險憑恃分權瞞疑城曜寰目來騎驚新觀
聚散定王業成毀猶月團金山百圍石岌岌隨濤瀾
猶疑漢宮廷屹立承露盤狂波恣吞噬萬古嗟獨完

凝眸厭滉漾逸屋行盤跚此寺歷今古遺迹皆龍鸞
孔明所坐石牀非人刊經霜衆草短積雨青苔寒
蕭翁嗜佛法大福將力干坡陀故鑊在甲錯蒼龍蟠
衛公秉節制佛骨埋金棺長松看百尺畫像留三歎
新詩語何麗傳讀紙遂刊嗟我本漁釣江湖心所安
方爲籠中閉仰羨天際搏遊觀惜不與賦詠嗟齒難
俸祿藉升斗鑿塩嗜鹹酸何時扁舟去不碍官長彈

李簡夫挽詞二首

老成渾欲盡吊客一潛然遺事人人記清詩句句傳
掛冠踈傳早樂世白公賢歎息風流在埋文得細鐫

又

歸隱淮陽市遨遊十六年養生能淡泊愛客故留連
傾蓋知心晚論詩卧病前葆光塵滿榻無復聽談禪

次韻子瞻初到杭州見寄二絕

吏治區區豈不任吳中已自富才能還應占位書名
姓學取藍田崔縣丞

試盡風波萬里身到官山水却宜人君知晏子恩仍
厚還與從來舊卜鄰

和柳子玉地爐

鑿地泥床不費功山深炭賤火長紅擁衾熟睡朝衙

後抱膝微吟莫雪中
龍尊兩忘輕世味
冰霜不到傲天工
遙知麻步無人客
寒夜清樽誰與同

和柳子玉紙帳

夫子清貧不耐冬
書齋還費紙重重
牕明曉日從教入
帳厚霜飈定不容
京兆牛衣聊可藉
公孫布被旋須縫
吳綾蜀錦非嫌汝
簡淡爲生要易供

次韻子瞻遊孤山訪惠勤惠思

鳥依山魚依湖
但有所有無
所無輕舟沿沂窮
遠近肩輿上下更傳呼
翩然獨往不携孥
兼擅魚鳥兩所娛
困依巖石坐巉絕
行牽翠蔓隨纏紆
道逢勤思訪

其廬誦詩清切秋
蟬孤隱足羞踏陌上
土何人起愛輪下
蒲水南巷中羅百夫
鷄鳴朝謁至日晡
人生變化安可料
憐汝久遁終無圖
鳧鷖不足鶴有餘
一俯一仰戚與蕩
嗟我久欲從逃遁
方圓不敢左右摹

宛丘二詠并序

宛丘城西柳湖累歲無水
開元寺殿下山茶一株
枝葉甚茂亦數年不開
轍頃從子瞻遊此每以二
物爲恨去秋雨雪相仍
湖中春水忽生數尺至二
月中山茶復開千餘朶
因作二詩奉寄

旱湖堤上柳空多
倚岸輕舟柰汝何
秋雨連渠添積

潤春風吹凍忽生波蟲魚便爾來無數鳧鴈猶疑未肯過持詫錢塘應笑我坳中浮芥兩么麼

古殿山花叢百圍故園曾見色依七凌寒強比松筠秀吐豔空驚歲月非冰雪紛紜真性在根株大老衆園希山中草木雖携種潦倒塵埃不復歸

贈提刑賈司門青

前年乘舟護南河宛丘官舍酣且憂歌去年持節犴獄驅車道路日不足今年春風塵土黃遠赴三州議繇役天子憂民法令新整齊百事無閑人苗耘髮櫛何時已回首昔遊如夢寐區區學舍會未知春晚日

長唯有睡才智有餘安得閑踈慵顧我自當然喜君

未忘太平事獨稱赦書旌孝子項城有孝子負土成墳賈移文陳州請用

赦之存

同陳述古舍人觀芍藥

藹藹堂西十畝園晚涼迎步綠陰繁共驚春去已多日爭看花開最後番未許狂風催爛熳故將青幄強安存請公作意勤歡賞趁取殘紅照酒樽

次韻子瞻見寄

我將西歸老故丘長江欲濟無行舟宦游已如馬受輓衰病擬學龜藏頭三年學舍百不與糜費廩粟常

慙羞矯時自信力不足從政敢謂學已優閉門却掃
誰與語畫夢時作釣天遊自從四方多法律深山更
深逃無術衆人奔走我獨閑何異端居割蜂蜜懷安
已又心自知彈劾未至理先屈餘杭軍府百事勞經
年未見持千旄賈生作傳無封事屈平憂世多離騷
煩刑弊法非公耻怒馬奔車忘鞭箠藐藐何自聽諄
諄諤諤未必賢唯唯求田問舍古所非荒畦弊宅今
餘幾出從王事當有程去須臾肉嫌無名掃除百憂
唯有酒未退聊取身心輕

趙少師自南都訪歐陽少師於潁州留西湖

久之作詩獻歐陽公

公居潁水上德與潁水清身閑道轉勝內足無海營
平昔富交遊開門坐常盈退居萬事樂幽恨無友生
汝穎亦多士後來非老成趙公平生舊情好均弟兄
少年結意氣晚歲齊功名攜手踐廊廟躡足辭釣
徜徉里閭間脫略世俗縈興來忍命駕一往千里輕
白髮儼相映元勳各崢嶸人生會面難此會有餘情
遨遊西湖中仲夏草木榮壺觴列四坐歌舞羅前楹
畫舫極泔沂肩輿並逢迎棹進鳧鴨亂樂作蠡魚驚
近寺駢履迹高臺吹笑聲往事語京洛餘歡發吟賡

拳拳主人厚款款來客誠此樂有時盡此好何由傾

次韻予瞻望湖樓上五絕

欲看西湖兩岸山卧乘湖上木蘭船湖山已自隨船
改更值陰晴欲雨天

眼看西湖不斲來簿書無筭撥還開三年屈指渾將
盡記取從今得幾回

湖山欲買恨無錢且盡芳樽對玉盤菱角鷄頭應已
厭蟹螯馬頰更勤食

終日清漪弄短橈久忘車乘走翹翹秋風且食鱸魚
美洛下諸生未可招

滯留朝市常嫌閑放棄江湖也未閑孤舫粗窮千頃
浪肩輿未盡百重山

和柳子玉共城新開御河過所居齋下

卜築共山功欲成新河入縣巧相縈誰將畚鍤千夫
力添上園林一倍清生長魚鰕供晚饌浮沉鶩鴨放
春聲爲鄰有意非今日丐我餘波伴濯纓

歐陽大師挽詞三首

雄文元命世直氣早成風受任衰遲後安邦反側中
迴天深有力扈聖耻言功事已身隨去驚嗟柱石空

又

唐敝文初喪書成法至今雍容趨聖處深切可人心
氣力知難繼風流喜不淫懸知公欲謝異說勇父侵

又

推轂誠多士登龍盛一時西門行有慟東閣見無期
念昔先君子嘗蒙國士知舊恩終未報感歎不勝悲

賦黃鶴樓贈李公擇

公擇時知鄂州

前年見君河之浦東風吹河沙如霧北潭楊柳強知
春樽酒相携終日語君家東南風氣清謫官河堦不
稱情一麾夏口亦何有高樓黃鶴慰平生荆江洞庭
春浪起漢沔初來入江水岸頭南北不相知惟見風

濤湧天地巫峽瀟湘萬里船中流鼓楫四茫然高城
枕山望如帶華衰照日光流淵樓上騷人多古意坐
忘朝市無窮事誰道武昌岸下魚不如建業城邊水
次韻子瞻餘杭法喜寺綠野亭懷共興太守

孫莘老

信美非吾土三吳一水中亭高望已極舟入去無窮
朝市知安在湖山信有功遨遊逐鳧鴨飲食數魚蚶
波浪喧朝夕梅蒸變綠紅逢人問京洛去國長兒童
同舍情相接鄰邦信屢通相邀欲相過道里訊溪翁
和子瞻宿臨安淨土寺

四方清淨居多被僧所占既無世俗營百事得豐贍
家居每紛薄奉養世寒欠昔年旅東都苟促吁已厭
城西近精廬長老時一覘每來獲所求食飽山茶醞
塵埃就湯沐垢膩脫巾謔不知禪味深但取飢腸饜
京城苦煩溷物景費治染吳都况清華觀刹吐光豔
石砘度空闊泉溜瀉深塹經過未足多終老應長歎

和子瞻自淨土步至功臣寺

山平村塢連野寺鐘相答晚陰生林葦落日猶在塔
行招兩社僧共步青山月送客渡石橋迎客出林樾
幽尋本真性往事聽徐說錢王方壯年此邦事輕俠

鄉人鄙貧賤異類識英傑立石象興王遺迹今岌業
功勳三吳定富貴四海甲歸來父老藏崇高畏摧壓
詩人巧譏病牛領恣挑挾流傳後世人談笑資口舌
是非亦已矣興廢何倉卒持歸問禪翁笑指浮漚沒

次韻子瞻遊徑山

去年渡江愛吳山忽忘蜀道輕秦川錢塘後到山最
勝下枕湖水相縈旋坐疑吳會無復有扁舟屢出凌
濤淵今秋復入徑山寺勢壓衆領皆摧顛連峯沓嶂
不知數重重相抱如青蓮散爲雲霧翳星斗聚作潭
井藏蜿蜒欽翁未到人迹絕千里受記來安禪荒榛

野草置茅屋坐令海賈輸金錢至今傳法破煩惱
食過客容安眠解裝投錫不復去紛紛四合來烏鳶
或言此處猶未好海上人少無煩煎天台鴈蕩最深
秀水驚石瘦尤清便青山獨往無不可論說好醜徒
紛然終當直去無遠近藤鞋竹杖聊窮年

次韻子瞻自徑山回宿湖上

朝從徑山來泱莽徑山色莫從湖上歸滉漾湖光碧
借問泛湖舟何似登山屐高懷厭朝市遠去忘憂慄
日向幽人青顏從濁醪赤塵埃解羅網宇宙爲安宅
油然了無營此意誰能詰嗟予別離久欲往徒反側

留滯亦可爲空驚突浮黑

次韻子瞻題孫莘老墨妙亭

高岸爲谷谷爲陵一時豪傑空飛騰身隨造化不復
返忽若野雀逢蒼鷹當年碑刻最深固風吹土蝕消
無稜遺文漫滅雨中泚翠石断裂春後水古墳欲毀
野廟廢行人不去征鞍憑書生耽翫立風雪飢驢厭
苦疲奴憎愛之欲取恨無力旋揉翠墨濡黃繒不如
好事孫太守卜車徒置華堂登遶墻羅列耀珪璧罷
燕起讀晉宥朋却思遺迹本安在原隰處處荒榛藤
田夫野老誰復顧鬼火夜照來寒燈廢興聚散一如

續通志 卷四
此反使涕泗沾人膺

熙寧壬子八月於洛陽妙覺寺考試舉人及還
道出嵩少之間王許昌共得大小詩二十六首
洛陽試院樓上新晴五絕

縹緲危譙面面山朝來雲作雨潏潏忽然風卷歸何
處百里陰時反掌間

嵩少猶藏薄霧中前山迤邐夕陽紅高樓一閉三十
日遙憶巖頭種藥翁

伊闕遙臨鳳闕前龍門女几氣蒼然唐朝御路依稀
在猶想東巡塵暗天

天壇王屋北侵河高比嵩丘一倍多小有清靈今上
在俗緣深重柰成魔

前朝宮闕倚芒山殿閣層層半嶺間猶恐北來岡阜
淺大行東抱故孳顏

和頓主簿起見贈二首

聲病消磨只古文諸儒經術闢紛紜不知舊學都無
用猶把新書強欲分老病心情愁見敵少年詞氣動
千雲搜貧報國吾何敢欲補空踈但有勤

一鎖樓中暗度秋微官黽勉未能休笑談容我聊紆
放文字憑君便去留杯酒淋漓已非敵清詩窈眇更

難酬東歸猶得聯征騎同上嵩高望九州

將出洛城過廣愛寺見三學演師引觀楊惠

之塑寶山朱瑤畫文殊普賢為賦三首

寺古依喬木僧閑正莫年為生何寂寞愛客尚晉連

虛牖羅脩竹空厨響細泉坐聽談舊事遍識洛中賢

又

虛室無尋丈青山有百層迴峯看不足危石恐將崩

聽法來天女依巖老梵僧須彌傳納芥觀此信還曾

又

壁毀丹青在移來殿廡深賦形驚變態觀佛覺無心

空色笙竽含妙音風流出吳樣遺法到如今

登封道中三絕

緱山祠

飛仙不返周王子重阜相連少室孫夜靜笙聲兼鶴

下迴看惟有故山存

轅轅道

青山欲上疑無路澗道相縈九十盤東望嵩高分草

木回瞻原隰湧波瀾

少林寺贈頓起

一徑喬林下黃葉三山翠壁遶禪居共君將住還歸

去欲問安心知己疎少林東接少室北倚石城南臨鳳凰山鳳凰山上有初祖庵二

祖問法於此

登嵩山十首

石徑

蒼壁上參天微徑隨流水
聱牙石齒亂紛薄黃葉委
牽攀不得上顛仆幾將止
勉強終此行更老知難至

玉女窻

巖竇有虛明曨曨發晴曉
真人無儔匹窓下晨粧早
門開秋雨入室靜長風掃
絕跡杳難尋朱顏未嘗老

擣衣石

玉女雲為衣飄搖不須擣
空傳巖下石夜杵知誰抱
清泉供澣濯素月鋪繒綺
人世迫秋寒處處砧聲早

醒心泉

上山苦飢渴中道得寒泉
舉瓢石竇響入口煩疴痊
湫流去不見落澗聲鏗然
莫歸復相值相從下平川

峯頂寺

重重山前峯上上終非頂
行登衆嶺徹始得山門迥
高風慘多寒落日側先暝
却視向所經眇如在深井

祭封壇

登封事已遙大碑摧風雨
靈壇久銷禿古木中梁柱

峯巒至此盡蒼石無寸土俯視萬仞高悲辛但狂顧

法華巖

飛橋走巖居茅屋今已破何年避世僧此地常獨卧
秋風高鳥入夜月寒猿過自非心已灰靜極生悲隋

將軍柏

在天封觀
唐海暑宮

肅肅避暑宮石殿秋日冷凜然中庭柏氣壓千夫整
風聲蒼萬壑雲色通諸嶺材大難為工甘與蓬蒿屏

吳道子畫四真君

在精
思觀

浮埃古壁上蕭然四真人矯如雲中鶴猶若畏四鄰
坐令世俗士自慙汗洶身勿謂今所無嵩少多隱淪

啓母石

神父化黃熊神母化白石嬰兒剖還父涕泣何暇卹
爾來三千歲往事誰復識惟有少姨存相望居二室

過韓許州石淙莊

水中有石曰淙唐天后朝
常燕幸臣於此石刻尚在

飛泉來無窮發自嵩嶺背奔馳兩山間偶與亂石會
傾流勢摧毀泥土久崩潰堅姿未消釋截薛儼相對
居然受噴濺雷轉諸壑內初喧墮深谷稍放脫重隘
跳沫濺霏微餘潤洶澎湃宸游昔事遠絕壁遺刻在
人迹久寂寥物理亦興廢相君厭紛華築室俯湍瀨
灌纓離塵垢洗耳聽大籟將追赤松遊自置青雲外

道人亦何者預此事歸計猶恐山未深更種萬株檜

過登封閻氏園

秋暑尚煩襟林泉淨客心菊殘知節過荷盡覺池深
踈柳搖山色青苔遍竹陰猶嫌近官道軼軼聽車音

許州留別頓主簿

洛寺相從不出門遠城空復記名園程文堆案晨興
早竹簟連床夜語喧歸路逢僧鬢容與登山無力強
扳援遙知別後都如夢賴有君詩一一存

次韻子瞻登望母樓五絕

山色潮聲四面來城中今碧爛成堆不愁門外嚴局

鎖終日憑欄未擬迴

湖色蒼蒼日向斜煙波萬狀不容誇畫船人去浮紅
葉石徑僧歸羸白蛇

樓觀爭高不計層啞啞過馬自相磨錢王舊業依而
在歲久無人話廢興

荷葉初乾稻穗香驚雷急雨送微涼晚晴相放秋山
色洗却濃粧作淡粧

白酒傾漿膾斫紅晝遊未厭月明中樓高只辨聽歌
鼓不見遊人轉似蓬

和子瞻監試舉人

登科歲云徂舊學日將落外遭飢寒侵內苦憂患鑠
傳家足墳史遺說本精約羣言又紛蕩開卷每驚矍
居官忝庠序授業止千龠朝廷發新令長短棄前獲
緣飾小學家睥睨前王作聲形一分解道義因附訛
安行厭衢路強稅就縻縛縱橫施口鼻爛漫塗丹堊
強辯忽橫流漂蕩終安泊憶惟法初傳欲講面先作
新科勸多士從者盡高爵徘徊始未信銜誘終難却
嗟哉守愚鈍幾不被譏詭獨醒慙舖糟未信耻輕諾
敢言折鋒鏃但自保城郭有司顧未知選試謬西洛
羣儒誰號令新語競抄削雖云心所安恐異時量度

詭遇便巧射晚嫁由拙妁誰能力春耕忍飢待秋穫
聞兄職在監考較筆仍閣縮手看傍人此意殊未惡

和子瞻煎茶

年來病懶百不堪未廢飲食求芳甘煎茶舊法出西
蜀水聲火候適能諳相傳煎茶只煎水茶性仍存偏
有味若不見閩中茶品天下高傾身事茶不知勞又
不見北方俚人茗飲無不有鹽酪椒薑誇滿口我今
倦遊思故鄉不學南方與北方銅鑪得火蚯蚓叫匙
脚旋轉秋螢光何時茅簷歸去炙背讀文字遣兒折
取枯竹女煎湯

次韻子瞻對月見憶并簡崔度

先師客陳未嘗飽弟子于今敢言巧敗牆破屋秋雨
 多夜視陰精過畢昂壑塩冷落空盃盤且依道士修
 還丹丹田發火五臟暖未補漫漫長夜寒我生疲駑
 戀莖豆崔翁遊邊指北斗唯有王江亦未歸閉門無
 客邀沽酒宛丘道人王江好飲酒
 去冬存沉丘遂不歸

和子瞻開湯村運塩河中督役

興事常苦易成事常苦難不督雨中役安知民力殫
 年來上功勲智者爭雕攢山河不自保䟽鑿非一端
 譏訶西門豹仁智未得完以方勇目許未卹衆口歎

天心閔劬勞兩涕爲汎瀾不知泥滓中更益手足瘝
 誰謂邑中黔鞭筆亦不寬王事未可回后土何由乾

次韻子瞻雨中督役夜宿水陸寺二首

雲氣連山雨溷盆莫投僧舍欲關門暫時洒掃寬行
 役終夕崎嶇入夢魂煩熱暗消秋簟冷烝濡未解夜
 燈昏二年游宦多勞苦何日相從得細論

野寺蕭條厭客喧雨披脩竹亂紛然已因無食聊從
 仕深悟勞生不問禪未至莫憂明日事偷閑且就此
 宵眠天明歸去茫鞋滑雖有藤輿懶上肩

次韻子瞻將之吳興贈孫莘老

宦遊莫向長城窟冬冰折膠弦亦絕吳中臘月百事
便蟹煮黃金鱸膾雪京城舊友一分散近憶吳興湏
滿頰世事反覆如翻飛今日共鱖前益垂畏人但恐
去不遠適意未覺歸來遲借問校讎天祿閣何如江
海同遊嬉

和子瞻畫魚歌

吳人以長釘加杖頭以杖畫水取魚謂之畫魚

潛魚在淵安可及垂餌投竿易如拾橫江設網雖不
仁一瞬未移收百十畫魚何者漫區區終日辛勤手
拮据已嫌長網不能遍肯信一竿良有餘鯤鯢駭散
蛟龍泣獲少驚多亦何益願從網罟登君庖碎首屠

鱖非所惜

國

天
卷四

十一
九

律